

五行志第七中之上

漢書二十七

漢護軍

班

固

撰

唐議奏行秘書監魏瓘國學顏

師古集註

經曰羞用五事五事一曰貌二曰言三曰

視四曰聽五曰思應劭曰思思慮貌曰恭言曰從視

曰明聽曰聰思曰睿應劭也古文作睿恭作肅從

作艾師古曰艾讀曰艾又治也其下亦同明作哲聰作謀應劭曰上

故聰為睿作聖張晏曰睿通休徵孟康曰善行之驗也

謀也

五

漢書二十七

肅時雨若應劭曰居上而艾時陽若應劭曰君政

愆時奧若應劭曰愆明也師古曰奧讀曰謀時治則陽順之

寒若聖時風若師古曰凡言時者皆謂行得其咎道則寒暑風雨以時應而順之

徵師古曰言曰狂怕雨若僭怕陽若應劭曰舒

怕奧若急怕寒若霧怕風若服虔曰霧音人

君散霧霜鄙各則風不順之也師古曰凡言怕者謂所行

者失道則寒暑風雨不時而怕父為灾也霧音莫且反

構又音寇傳曰貌之不恭是謂不肅厥咎狂厥罰怕

五行志

雨厥極惡時則有服妖時則有龜孽師古曰孽

音魚列反時則有雞旤師古曰旤時則有下體

生上之病韋昭曰若牛之足反出背上下時則有

青眚青祥李奇曰內曰唯金沴木服虔曰沴害

音拂疾之說曰凡草物之類謂之妖妖猶天

胎言尚微師古曰天蟲豸之類謂之孽師古

足謂之象孽則牙孽矣及六畜謂之旤言

其著也及人謂之疢疢病貌言寤寐深也師古

曰寤漸也其甚則異物生謂之眚自外來謂之祥
祥猶禎也氣相傷謂之沴沴猶臨莅不和
意也每一事云時則以絕之言非必俱至
或有或亡或在前或在後也孝武時夏戾
始昌通五經善推五行傳以傳族子夏戾
勝下及許商皆以教所賢弟子其傳與劉向
同唯劉歆傳獨異貌之不恭是謂不肅肅
敬也內曰恭外曰敬人君行己體貌不恭

五行志

怠慢驕蹇則不能敬萬事失在狂易故其

咎在也

師古曰狂易謂狂而易其常性○宋祁曰晏本易作怒

上慢下暴

則陰氣勝故其罰常雨也水傷百穀衣食

不足則姦軌並作故其極惡也一曰民多

被刑或形貌醜惡亦是也風俗狂慢變節

易度則為剽輕奇怪之服師古曰剽音匹妙反故有服

妖水類動故有龜孽如淳曰河魚大上以為魚孽之比於易巽

為雞雞有冠距文武之貌不為威儀貌氣

毀故有雞旤一曰水歲雞多死及爲怪亦是也上失威儀則下有彊臣害君上者故有下體生於上之病木色青故有青眚青祥凡貌傷者病木氣○宋祁曰者下當添病字木氣病則金沴之衝氣相通也於易震在東方爲春爲木也兌在西方爲秋爲金也離在南方爲夏爲火也坎在北方爲冬爲水也春與秋日夜分寒暑平是以金木之氣易以相變故貌

五行志

傷則致秋陰常雨言傷則致春陽常旱也至於冬夏日夜相反寒暑殊絕水火之氣不得相併故視傷常奧聽傷常寒者其氣然也逆之其極曰惡順之其福曰攸好德

孟康曰政不順則致妖順則致福也師古曰攸所也所好者德也劉歆貌傳曰有

鱗蟲之孽羊旤鼻病說以爲於天文東方辰爲龍星故爲鱗蟲於易兌爲羊木爲金所病故致羊旤與常雨同應此說非是春

與秋氣陰陽相敵木病金盛故能相并唯

此一事耳既與妖病祥青同類不得獨異

史記師古曰此志凡稱史記者皆謂司馬遷所撰也成公十六年公會諸

侯于周單襄公見晉厲公視遠步高師古曰單

襄公周鄉士單子朝也亦晉厲公景公之子也名州蒲單音善告公曰晉將有亂

魯侯曰敢問天道也抑人故也師古曰抑發語辭也○宋

師古曰辭也對曰吾非瞽史師古曰瞽樂太師史太史焉知天

道吾見晉君之容殆必禍者也夫君子目

五行卷

以定體足以從之師古曰體定則目安足之進退皆無違也是以觀

其容而知其心矣目以處誼足以步目師古

曰視瞻得其宜行步中其節也晉侯視遠而足高目不在體

而足不步自其心必異矣目體不相從何

以能久夫合諸侯民之大事也於是虜觀

存亡故國將無咎其君在會步言視聽必

皆無謫則可以知德矣師古曰謫責也無謫謂得其義理無可咎責也

視遠曰絕其誼足高曰棄其德言爽曰反

大司公三

卷之五十二

卷之五十二

五

其信師古曰聽淫曰離其名師古曰夫目以處

誼足以踐德師古曰踐履也口以庇信師古曰庇

相覆則耳以聽名者也故不可不慎偏喪有

咎師古曰苟喪其一則有咎既喪則國從之師古曰既盡也若

晉侯爽二吾是以云張晏曰視遠一也後二年晉

人殺厲公凡此屬皆貌不恭之咎云左氏

傳相公十三年楚屈瑕伐羅鬬伯比送之

師古曰屈瑕即莫蹠也鬬伯比楚大夫羅國名在南郡枝江西還謂其馭曰莫蹠

五行志

必敗師古曰莫蹠楚官名也舉止高心不固矣師古

曰止遽見楚子以告師古曰楚子使賴人追

之弗及莫蹠行遂無次且不設備師古曰無

也列及羅羅人軍之大敗莫蹠縊死釐公十

一年周使內史過賜晉惠公命師古曰內史

惠公夷吾也諸侯即位天子則賜命圭以為瑞受玉惰師古曰不

王曰晉侯其無後乎王賜之命而惰於受

瑞先自棄也已其何繼之有禮國之幹也

大司馬

卷之三

六

辛甫

敬禮之與也師古曰無禮則國不立故謂之於輿不敬

則禮不行禮不行則上下昏何以長世二

十一年晉惠公卒子懷公立晉人殺之更

立文公成公十三年晉侯使卻錡乞師于

曾將事不敬師古曰卻錡晉大夫駒伯也乞師欲以

孟獻子曰卻氏其亡乎師古曰孟獻禮身之

幹也敬身之基也師古曰無禮則身不卻子無

基且先君之嗣卿也受命以求師將社稷

五行志一

是衛而惰棄君命也不亡何為十七年卻

氏亡成公十三年諸侯朝王遂從劉康公

伐秦成肅公受脤于社不敬服虔曰脤祭社之

謂之脤師古曰劉康公成肅公皆周大夫也脤讀與脤

同以出師而祭社謂之宜脤者即宜社之肉也脤大蛤

也音上劉子曰吾聞之曰民受天地之中以

生所謂命也師古曰劉子即康公是以有禮義

動作威儀之則以定命也能者養之以福

不能者敗以取既師古曰之往也能養生者則定

喪之以取禍亂是故君子勤禮小人盡力勤禮莫如

致敬盡力莫如博篤敬在養神篤在守業

國之大事在祀與戎祀有執膳戎有受脰

應劭曰膳祭肉也師古曰膳音扶元反也當刪也字神之節也師古曰交神之節○宋祁曰節

今成子惰棄其命矣其不反虜五月

成肅公卒成公十四年衛定公享苦成叔

甯惠子相師古曰定公名臧苦成叔晉大夫鄧擘也晉使鄧擘如衛故定公享之惠子衛

大夫甯殖也相謂替相其禮苦成叔教師古曰教讀曰傲其下並同甯子曰

五行志

苦成家其二虜古之為享食也以觀威儀

省既福也師古曰食讀曰飴故詩曰兕觥其觶百酒

思柔匪微匪傲萬福來求張晏曰觥罰爵也飲酒和柔無失禮可罰

罰爵徒觥然而已應劭曰言在位者不微許不倨傲也師古曰小雅桑扈之詩也微謂微幸也萬福言其多也

謂飲酒者不微幸不傲慢則福祿就而求之也觥音蚪微音工堯反今夫子傲取既

之道也後三年苦成家云師古曰十七年晉攻郤錡郤犇郤至而滅其家襄公七年衛孫文子聘于魯君

登亦登師古曰文子衛大夫孫林父也禮之登階臣後君一等叔孫穆子相

辛庚

師古曰穆趨進曰諸侯之會寡君未嘗後衛

君今吾子不後寡君寡君未知所過吾子

其少安師古曰安徐也孫子亡辭亦亡悛容師古曰悛改也音千

全反穆子曰孫子必亡為臣而君過而不悛

亡之本也十四年孫子逐其君而外叛師古

曰逐其君謂衛獻公出奔齊也外叛謂以戚叛之襄公二十八年蔡景

侯歸自晉入于鄭師古曰景侯名固文侯之子也○宋祁曰也字當刪鄭伯

享之不敬子產曰蔡君其不免虐師古曰言不免於禍

五行志

日其過此也君使子展往勞于東門而教

師古曰日謂往日始適晉之時也子展鄭大夫公孫舍之○宋祁曰舍之當刪之字吾曰猶將

更之師古曰更改也今還受享而惰迺其心也師古曰言心之

所常行也君小國事大國師古曰言身為小國之君而事於大國而惰

教以為己心將得死虐君若不免必由其

子淫而不父師古曰通太子之妻如是者必有子既三

十年為世子般所殺師古曰般讀與班同襄公三十一年

年公薨季武子將立公子稠師古曰稠襄公之子齊歸所生稠音

子齊歸所生稠音

直留 穆叔曰是人也居喪而不哀在感而

有嘉容是謂不度不度之人鮮不為患師古

曰穆叔即叔孫穆子也不度不若果立必為季氏

憂武子弗聽卒立之比及葬三易衰衰衽

如故衰師古曰衣前曰衽言游戲無已也比是為

昭公立二十五年聽讒攻季氏兵敗出奔

死于外師古曰謂薨于乾侯襄公三十一年衛北宮文

子見楚令尹圍之儀師古曰北宮文子衛大夫也名佗令尹圍即公子圍楚恭

五行志

王之子也時為令尹文言於衛侯曰令尹似君

矣將有它志師古曰謂有為君之心言語視瞻雖

獲其志弗能終也公曰子何以知之對曰

詩云敬慎威儀惟民之則師古曰大雅抑之詩也則法也言君能慎

其威儀乃臣下所法效之令尹無威儀民無則焉民所不

則以在民上不可以終師古曰遂以殺君篡國而

昭公十一年夏周單子會於戚

視下言徐應劭曰視下視不登帶言徐不聞於表著

單成公也戚衛也

晉叔向曰單子其死處

師古曰叔向晉大夫羊舌肸也向音許兩反

朝有著定

師古曰朝內列位有定處所謂表著者也著音直庶反又音除

會有表

師古曰會於野設表以為位

衣有禮帶有結

師古曰禮領之交會也結紳帶

音公外反

會朝之言必聞于表著之位所以

昭事序也

師古曰昭明也

視不過結禮之中所以道

容貌也

師古曰道讀曰導其下並同

言以命之容貌以明

之失則有闕今單子為王官伯

師古曰伯長也

而命

事於會視不登帶言不過步貌不道容而

五行志

言不昭矣不道不恭不昭不從無守氣矣

師古曰貌正曰恭言正曰從

十二月單成公卒昭公二十一

年三月葬蔡平公蔡太子朱失位位在卑

師古曰不在正嫡之位而以長幼序之

魯大夫送葬者歸告昭子

師古曰昭子叔孫婁

昭子歎曰蔡其亡虜若不亡是君

也必不終

宋祁曰君也邵本無也字

詩曰不解於位民之

攸暨

師古曰大雅假樂之詩也暨息也言在上者能率位不怠則其臣下恃以安息也解讀曰懈暨

音許既反

今始即位而適卑身將從之十月蔡

侯朱出奔楚晉魏舒合諸侯之大夫于翟

泉應劭曰水名今洛陽是也師古曰魏舒晉日卿魏獻子也事在定公元年志不書者蓋闕文將以

城成周魏子泣政師古曰謂代天子大夫為政以臨其事衛彪僂

曰將建天子而易位以令非誼也師古曰僂衛大夫建

天子謂立天子之居也僂音奚大事奸誼必有大咎師古曰奸犯也音干

晉不失諸侯魏子其不免辱是行也魏獻

子屬役於韓簡子師古曰簡子亦晉卿韓不信以城周之功役委簡子也屬音日之

欲反而田於大陸焚焉而死師古曰高平曰陸因放火田獵而見燒殺

五行志

也說者或以為大陸即鉅鹿并大陸澤也據會於公泉則其所田處固當在近非大陸澤也定公

十五年邾隱公朝於魯執玉高其容仰公

受玉卑其容俯師古曰隱公邾子益也玉謂朝者之執子贛觀焉

師古曰子贛孔子弟子子端木賜也贛音貢曰以禮觀之二君者皆有

死二焉夫禮死生存亡之體也將左右周

旋進退俯仰於是辱取之朝祀喪戎於是

虛觀之今正月相朝而皆不度心已二亡矣

師古曰不度不合法度嘉事不體何以能以師古曰嘉事嘉禮之事謂

嘉禮之事謂

朝禮也不體不得身體之節高仰驕也卑俯替也師古曰替廢惰也

驕近亂替近疾君為主其先亡師古曰是年五月定

公薨哀公十七年秋伐邾以邾子益來也庶徵之恒雨劉歆以為春

秋大雨也劉向以為大水隱公九年三月

癸酉大雨震電庚辰大雨雪師古曰雨雪雨音于具反大

雨雨水也師古曰下雨音于具反後類並同震雷也劉歆以為

三月癸酉於歷數春分後一日始震電之

時也當雨而不當大雨大雨常雨之罰也

五行志

於始震電八日之間而大雨雪常寒之罰

也劉向以為周三月今正月也當雨水雪

雜兩雷電未可以發也既已發也○劉歆曰既已發也

也字則雪不當復降皆失節故謂之異於

易雷以二月出其卦曰豫○師古曰坤下震上也宋祁曰注末也字

當刪下並同言萬物隨雷出地皆逸豫也以八月

入其卦曰歸妹師古曰兌下震上也言雷復歸入地則

孕毓根核保藏蟄蟲師古曰毓字與育同核亦麥字也草根曰麥音該

六十四卦 卷之二十一 五

避盛陰之害出地則養長華實發揚隱伏
宣盛陽之德○宋祁曰隱伏當作陰伏入能除害出能興

利人君之象也是時隱以弟栢幼代而攝

立公子翬見隱居位已久勸之遂立師古曰公子翬

魯大夫羽父也勸殺栢公已求為太宰翬音揮隱既不許翬懼而易其

辭師古曰反謂栢公云隱欲殺之遂與栢共殺隱天見其將

然故正月大雨水而雷電是陽不閉陰出

涉危難而害萬物天戒若曰為君失時賊

五行志二

弟佞臣將作亂矣○宋祁曰賊弟或無弟字後八日大雨

雪陰見閉隙而勝陽篡殺之既將成也公

不寤後二年而殺昭帝始元元年七月大

水雨自七月至十月成帝建始三年秋大

雨三十餘日四年九月大雨十餘日左氏

傳愍公二年晉獻公使太子申生帥師師古

曰以伐東山臯落氏公衣之偏衣佩之金玦師古曰偏衣謂左右異色

其半象公之服也金玦以金為玦也半環曰玦狐突歎曰時事之徵也

衣身之章也佩衷之旗也師古曰狐突晉大夫伯行時為太子御戎

也徵證也章明也旗表也衣所以明貴賤佩所以表中心故敬其事則命以始

師古曰賞以春夏服其身則衣之純師古曰壹其色用其衷則

佩之度師古曰佩玉者君子之常度○劉奉世曰欲表其事則當佩之使合法度世子佩瑜玉而

綦組今命以時卒閱其事也應劭曰卒盡也

月盡時也衣以老服遠其躬也師古曰有雜色也謂偏衣也遠音于萬反

其下並同佩以金玦棄其衷也服以遠之時以

閱之老涼冬殺金寒玦離胡可恃也師古曰涼薄也

五行志

在色不能純故曰薄也冬主殺氣金行在西是謂之寒玦形半缺故云離梁餘子養曰

帥師者受命于廟受服於社有常服矣師古曰

曰梁餘子養晉大夫也時為下軍御軍之常服則章弁弗獲而有命可知也

死而不孝不如逃之罕夷曰老奇無常金

玦不復君有心矣應劭曰奇奇怪非常意復反也金玦猶決去不反意也師古曰

罕夷晉大夫時為下軍卿也後四年申生以讒

自殺近服妖也左氏傳曰鄭子臧好聚鷓

冠張晏曰鷓鳥赤足黃文以其毛飾冠韋昭曰鷓今翠鳥也師古曰子臧鄭文公子也鷓大鳥即戰國策所

云啄蚌者也天之將兩鵠則知之翠鳥自有鵠名而此飾冠非翠鳥也逸周書曰知天文者冠鵠冠蓋以鵠鳥知天時故也禮圖謂之鄭文公惡之使盜殺之術氏冠鵠音聿又音術

師古曰時已得罪出奔宋劉向以為近服妖者故使盜殺之於陳宋之間

也一曰非獨為子臧之身亦文公之戒也

初文公不禮晉文師古曰晉文公之為公子也避驪姬之難而出奔欲之楚過鄭

鄭不禮焉又犯天子命而伐滑師古曰僖二十四年鄭請滑鄭伯不聽而執二子不尊尊敬上其後

晉文伐鄭幾亡國師古曰僖三十年晉侯秦伯圍鄭佚之狐曰國危矣使燭之武

見秦伯師乃退也幾音鉅依反○宋祁曰退也當刪也字昭帝時昌邑王賀遣

中大夫之長安多治反注冠應劭曰今法冠是也李奇曰一曰高山冠本齊冠也謁者服之師古曰反古側字也謂之側

注者言形側立而下注也蔡邕云高九寸鐵為卷非法冠及高山也

卷音去權反以賜大臣又以冠奴劉向以為

近服妖也時王賀狂悖師古曰悖惑也音布內反聞天子

不豫師古曰言有疾不悅豫也弋獵馳騁如故

與騶奴宰人游居娛戲驕嫚不敬師古曰騶人主膳者也娛樂也戲音僖

冠者尊服奴者賤人賀無故

好作非常之冠暴尊象也以冠奴者當自
至尊墜至賤也師古曰墜墮也音直類反其後帝崩無子
漢大臣徵賀為嗣即位狂亂無道縛戮諫
者夏侯勝等於是大臣白皇太后廢賀為
庶人賀為王時又見大白狗冠方山冠而
無尾師古曰方山冠以五采穀為之樂舞人所服此服妖亦大旤也
賀以問郎中令龔遂遂曰此天戒言在仄
者盡冠狗也師古曰言王左右侍側之人不識禮義若狗而著冠者耳冠音工喚反其下亦

五行志

同去之則存不去則亡矣賀旣廢數年宣

帝封之為列侯復有臯死不得置後又犬

旤無尾之効也京房易傳曰行不順厥咎

人奴冠天下亂辟無適如淳曰辟君也適適子也師古曰辟音壁適讀

曰嫡妾子拜如淳曰無適子故也又曰君不正臣欲篡厥

妖狗冠出朝門成帝鴻嘉永始之間好為

微行出游選從期門郎有材力者及私奴

客多至十餘少五六人皆白衣袒憤師古曰袒憤不

大...

...

...

...

...

冠加上帶持刀劍或乘小車御者在茵上蘇林

曰茵車上尊也御者錯亂更在茵上坐也師古曰或皆車小故御者不得回避而在天子茵上也茵音因

騎出入市里郊壑遠至旁縣時大臣車騎

將軍王音及劉向等數以切諫合求曰易

稱得臣無家師古曰換卦上九爻辭言二者臣天下無私

家也今陛下棄萬乘之至貴樂家人之賤

事厭高美之尊稱好匹夫之卑字如淳曰稱張放家人

是為卑字師古曰為微行故變易姓名崇聚票輕無誼之人以為

五行志

私客師古曰票音匹妙反又音頻妙反置私田於民間畜私

奴車馬於北宮數去南面之尊離深宮之

固挺身獨與小人晨夜相隨師古曰烏集醉

飽吏民之家師古曰下合下雜如鳥之集亂服共坐溷肴

亡別師古曰溷肴謂雜亂也溷音胡困反閔勉遯樂晝夜在路

師古曰閔勉猶勉言不息也遯樂言流遯為樂也典門戶奉宿衛之臣

執干戈守空宮公卿百僚不知陛下所在

積數年矣昔號公為無道有神降曰賜爾

大九少

土田

師古曰春秋左氏傳莊公三十二年有神降于莘號公使祝應宗區史踞享焉神賜之士田史

鄒曰號其王乎

言將以庶人受土田也諸侯夢得土

田為失國祥

師古曰僖五年晉滅虢號公醜奔京師

而况王者畜

私田財物為庶人之事乎左氏傳曰周景

王時大夫賓起見雄雞自斷其尾

師古曰賓起即賓孟

劉向以為近雞旤也是時王有愛子子鼂

王與賓起陰謀欲立之

師古曰子鼂王之庶長子

田于北

山將因兵眾殺適子之黨

師古曰適讀曰嫡嫡子王子猛反後為悼

王子猛之黨謂劉獻公單穆公

未及而崩三子爭國王室大

亂其後賓起誅死

師古曰三子謂子鼂子猛及子猛弟敬王丐也劉子遂攻賓起

殺之事並在昭公二十二年

子鼂奔楚而敗

師古曰昭二十六年劭伯盈逐王子

鼂子鼂奔楚定公五年王人殺之于楚

京房易傳曰有始無終厥

妖雄雞自齧斷其尾宣帝黃龍元年未央

殿輅軫中雌雞化為雄

孟康曰輅軫殿名也師古曰百官表大僕屬官

有輅軫丞輅與路同軫音零

毛衣變化而不鳴不將無距

師古曰將謂率領其羣也距雞附足骨鬪時所用刺之

元帝初元中丞相府

史家雌雞伏子漸化為雄

師古曰初尚伏子後乃稍稍化為雄也伏

音房富反

冠距鳴將求光中有獻雄雞生角者

京房易傳曰雞知時知時者當死房以為

已知時恐當之劉向以為房失雞占雞者

小畜主司時起居人

師古曰至時而鳴以為人起居之節

小臣

執事為政之象也言小臣將秉君威以害

正事猶石顯也竟寧元年石顯伏辜此其

效也一曰石顯何足以當此昔武王伐殷

五行志

至于牧豎誓師曰古人有言曰牝雞無晨

牝雞之晨惟家之索今殷王紂惟婦言用

師古曰周書牧誓之辭晨謂晨時鳴也索盡也言婦人為政猶雌雞而代雄鳴是喪家之道也索立音思各反

繇是論之

師古曰繇讀與由同

黃龍初元求光雞變迺

國家之占妃后象也孝元王皇后以甘露

二年生男立為太子妃王禁女也黃龍元

年宣帝崩太子立是為元帝王妃將為皇

后故是歲未央殿中雌雞為雄明其占在

大司馬

前漢書

卷之

正宮也不鳴不將無距貴始萌而尊未成也至元帝初元元年將立王皇后先以為婕妤好三月癸卯制書曰其封婕妤好父丞相少史王禁為陽平侯位特進丙午立王婕妤好為皇后明年正月立皇后子為太子故應是丞相府史家雌雞為雄其占即丞相少史之女也伏子者明已有子也冠距鳴將者尊已成也永光二年陽平頃侯禁薨

五行志

子鳳嗣侯為侍中衛尉元帝崩皇太子立是為成帝尊皇后為皇太后以后弟鳳為大司馬大將軍領尚書事上委政無所與師古曰與讀曰豫言政皆出鳳天子不豫王氏之權自鳳起故於鳳始受爵位時雄雞有角明視作威師古曰視讀曰示顓君害上師古曰顓與專同其下類此危國者從此人始也其後羣弟世權以至於莽遂篡天下即位五年王太后薨此其效也京房易傳曰賢

大六十二

易言

卷七

十一

本

者居明夷之世知時而傷師占曰易之明夷卦曰明入地中明夷夷

傷也離下坤上言日在地中傷其明也知時謂知天時者也賢而被傷故取明夷之義或眾在

位師古曰言虛為無實之人矯惑於眾在職位也厥妖雞生角雞生角

時主獨又曰婦人顓政國不靜牝雞雄鳴

主不榮故房以為己亦在占中矣成公七

年正月鼯鼠食郊牛角師古曰鼯小鼠也即改今所謂甘鼠者音奚

卜牛又食其角劉向以為近青祥亦牛既

也不敬而備禘之所致也昔周公制禮樂

五行志一

成周道故成王命魯郊祀天地以尊周公

至成公時三家始顓政魯將從此衰天愍

周公之德痛其將有敗亡之阨故於郊祭

而見戒云鼠小蟲性盜竊鼯又其小者也

牛大畜祭天尊物也角兵象在上君威也

小小鼯鼠食至尊之牛角象季氏乃陪臣

盜竊之人將執國命以傷君威而害周公

之祀也改卜牛鼯鼠又食其角天重語之

大下七八

前古志

卷之六

禮記

也師古曰重音直用反成公怠慢昏亂遂君臣更執于

晉師古曰更互也十年秋公如晉晉人以公為貳於楚故止公至十一年三月乃得歸十六年秋公會

晉侯于沙隨晉受叔孫僑如之譖而止公是年九月又信僑如之譖執季孫行父舍之于莒丘十二月乃得歸故云君臣更執也更音工衡反至于襄公晉侯為溴梁之會

師古曰襄十六年晉平公會諸侯于溴梁溴梁者溴水之梁也溴水出河內軹縣東南至温入河溴音工覓反

天下大夫皆奪君政師古曰溴梁之會諸侯皆在而魯叔孫豹晉荀偃宋

向代衛甯殖鄭公孫蠆小邾之大夫盟是奪其君政也其後三家逐昭公

卒死于外師古曰已解於上幾絕周公之祀師古曰幾音鉅依反

董仲舒以為鼯鼠食郊牛皆養牲不謹也

京房易傳曰祭天不慎厥妖鼯鼠齧郊牛

角定公十五年正月鼯鼠食郊牛牛死劉

向以為定公知季氏逐昭公臯惡如彼親

用孔子為夾谷之會齊人俸歸鄆謹龜陰

之田師古曰夾谷齊地也一名祝其定公十年公與齊侯會于夾谷齊侯欲使萊人以兵劫公孔子

以公退命士衆兵之齊侯乃止又欲以盟要公孔子不欲使茲無還以辭對又欲詐享公孔子又距而不受於是齊人乃服先是季氏之臣陽虎以鄆謹龜陰之田奔齊至此會乃以歸我鄆謹二邑名龜陰龜山之陰夾音

齊至此會乃以歸我鄆謹二邑名龜陰龜山之陰夾音

齊至此會乃以歸我鄆謹二邑名龜陰龜山之陰夾音

齊至此會乃以歸我鄆謹二邑名龜陰龜山之陰夾音

齊至此會乃以歸我鄆謹二邑名龜陰龜山之陰夾音

齊至此會乃以歸我鄆謹二邑名龜陰龜山之陰夾音

五行志

頰音驩聖德如此反用季栢子淫於女樂而

退孔子無道甚矣師古曰栢子季平子之子季孫斯也女樂已解於上詩曰

人而亡儀不死何為師古曰衛詩相鼠之篇也無儀無禮儀也是歲

五月定公薨牛死之應也京房易傳曰子

不子鼠食其郊牛哀公元年正月鼯鼠食

郊牛劉向以為天意汲汲於用聖人逐三

家故復見戒也師古曰聖人孔子也見顯也哀公年少不

親見昭公之事故見敗亡之異已而哀不

五行志

寤身奔於粵此其效也師古曰哀二十七年公欲以越伐魯而去王栢

公如公孫有山氏因遜于邾遂如越國人昭帝元鳳

元年九月燕有黃鼠銜其尾舞王宮端門

中師古曰宮之正門王往視之鼠舞如故王使吏以

酒脯祠鼠舞不休一日一夜死近黃祥時

燕刺王旦謀反將死之象也其月發覺伏

辜京房易傳曰誅不原情厥妖鼠舞門師古

曰不原情者不得其本情成帝建始四年九月長安城南

有鼠銜黃蒿栢葉上民家栢及榆樹上為

巢桐栢尤多師古曰桐栢本亭名衛思后於其地葬也巢中無子

皆有乾鼠矢數十時議臣以為恐有水災

鼠盜竊小蟲夜出晝匿今晝去穴而登木

象賤人將居顯貴之位也桐栢衛思后園

所在也其後趙皇后自微賤登至尊與衛

后同類趙后終無子而為害明年有鳶焚

巢殺子之異也師古曰鳶鳴也音弋全反天象仍見甚可

五行志

畏也師古曰仍頻也一曰皆王莽篡竊位之象云京房

易傳曰臣私祿罔辟李奇曰辟君也擅私爵祿誣罔其君厥妖鼠

巢文公十三年大室屋壞近金沚木木動

也先是冬釐公薨十六月廼作主師古曰主廟王也傳

公三十三年十一月薨至文二年二月廼作主閏故十六月也後六月又吉

禘於太廟而致釐公師古曰禘祭也一一而祭之文二年八月而禘距作

主六月也致謂升其主於廟春秋譏之經曰大事於太廟

躋釐公師古曰躋音子奚反又音子詣反左氏說曰太廟周

公之廟饗有禮義者也祀國之大事也惡其亂國之大事於太廟故言大事也躋登也登饗公於愍公上逆祀也釐雖愍之庶兄嘗為愍臣臣子一例不得在愍上又未三年而古禘前後亂賢父聖祖之大禮內為貌不恭而狂外為言不從而僭故是歲自十二月不雨至于秋七月後年若是者三而太室屋壞矣前堂曰太廟中央曰太

五行志

室屋其上重屋尊高者也象魯自是陵夷

將墮周公之祀也

師古曰墮毀也音火規反

穀梁公羊經

曰世室魯公伯禽之廟也周公稱太廟魯

公稱世室大事者禘祭也

師古曰禘合也毀廟及未毀廟之主皆合

祭於太祖躋釐公者先禰後祖也景帝三年十

二月吳二城門自傾大船自覆劉向以為

近金沚木木動也先是吳王濞以太子死

於漢稱疾不朝陰與楚王戊謀為逆亂城

猶國也其一門名曰楚門一門曰魚門吳地以船為家以魚為食天戒若曰與楚所謀傾國覆家吳王不寤正月與楚俱起兵身死國亡京房易傳曰上下咸詩厥妖城門壞師古曰詩或也音布白反宣帝時大司馬霍禹所居第門自壞時禹內不順外不敬見戒不改卒受滅亡之誅哀帝時大司馬董賢第門自壞時賢以私愛居大位賞賜無度驕嫚

五志行

不敬大失臣道見戒不改後賢夫妻自殺家徒合浦

傳曰言之不從是謂不艾

師古曰艾讀曰刈

厥咎僭

厥罰怕陽厥極憂時則有詩妖時則有介蟲之孽時則有大旤時則有口舌之病時則有白青白祥惟太人冷金言之不從從順也是謂不又又治也孔子曰君子居其室出其言不善則千里之外違之况其邇者

虞

師古曰易上繫之辭也通近也

詩云如蜩如蟴如沸如羹

師古曰大雅蕩之詩也蜩蟴也蟴蟴也即切螻也謂政無文理虛言踣沓如蜩蟴之鳴湯之沸館羹之將孰也

音貂螻音聊館音下館反

言上號令不順民心

虛譁憤亂則不能治海內失在過差故其

各僂僂差也刑罰妄加羣陰不附則陽氣

勝故其罰常陽也旱傷百穀則有寇難上

下俱憂故其極憂也君炕陽而暴虐

師古曰凡

言炕陽者枯涸之意謂無惠澤於下也炕音口浪反

臣畏刑而掛口

師古曰掛爾也

五行志一

音其廉反籀音女涉反

則怨謗之氣發於訶謠故有詩

妖介蟲孽者謂小蟲有甲飛揚之類陽氣

所生也於春秋為蝻今謂之蝗皆其類也

於易兌為口犬以吠守而不可信言氣毀

故有犬既一曰旱歲犬多狂死及為怪亦

是也及人則多病口喉效者故有口舌疔

金色白故有白眚白祥凡言傷者病金氣

金氣病則木沴之其極憂者順之其福曰

康寧劉歆言傳曰時有毛蟲之孽說以為於天文西方參為虎星故為毛蟲史記周單

襄公與晉郤錡郤犇郤至齊國佐語師古曰單

襄公解已在前部錡駒伯也郤犇若成叔也告魯成郤至昭子即溫季也國佐齊大夫國武子也

公曰晉將有亂三郤其當之虐夫郤氏晉

之寵人也二卿而五大夫可以戒懼矣高

位實疾顛厚味實腊毒師古曰顛仆也腊久也言位高者必速顛仆也

味厚者為毒久今郤伯之語犯叔迂季伐師古曰伯駒伯也叔若成

五行志

叔也季溫季也犯侵也迂夸誕也伐矜尚也犯則陵人迂則誣人伐

則掩人有是寵也而益之以三怨其誰能

忍之雖齊國子亦將與焉師古曰與讀曰豫豫於禍立於

淫亂之國而好盡言以招人過蘇林曰招音翹招舉也師

古曰盡言猶極言也怨之本也唯善人能受盡言齊其

有虐師古曰言無善人不能受盡言十七年晉殺三郤十八

年齊殺國佐凡此屬皆言不從之咎云晉

穆侯以條之役生太子名之曰仇師古曰穆侯僖侯之

孫也條晉地也蓋以敵來侵已當戰時而生故取仇忿之義以名子其弟以千晦之

戰生名之曰成師師古曰太子之弟即相叔也晦古畝字也千晦亦地名意取能

成其師衆也師服曰異哉君之名子也師古曰師夫服晉大夫

名以制誼誼以出禮師古曰先制義理然後立名義理既定禮由之出

禮以體政政以正民師古曰政以禮成俗所以正是以政

成而民聽易則生亂師古曰反易禮義則亂生也嘉耦曰

妃怨耦曰仇古之命也師古曰本自古昔而有此名今君

名太子曰仇弟曰成師始兆亂矣兄其替

五行志

虐師古曰替廢也及仇嗣立是為文侯文侯卒子

昭侯立封成師于曲沃號相叔師古曰昭侯國亂身危不

能自安故封成師為曲沃伯也相謚也昭侯叔父故謂之叔也後晉人殺昭侯而

納相叔不克師古曰事不遂復立昭侯子孝侯相

叔子嚴伯殺之晉人立其弟鄂侯鄂侯生

哀侯嚴伯子武公復殺哀侯及其弟滅之

而代有晉國師古曰武始并晉國故稱公也事在相二年宣公六年

鄭公子曼蒲與王子伯廖語欲為卿師古曰曼蒲伯

子安

廖皆鄭大夫也廖音聊 伯廖告人曰無德而貪其在周

易豐之離張晏曰離下震上豐上六變而之離曰豐其屋部其家也弗過之矣

師古曰言無道德而大其屋不過三歲必滅亡也 間一歲鄭人殺之師古

曰間一歲者 襄公二十九年齊高子容與宋

司徒見晉知伯汝齊相禮師古曰高子容齊大夫高止也宋司徒華

定知伯晉大夫荀盈也 賓出汝齊語知伯曰二

子皆將不免子容專司徒侈皆亡家之主

也師古曰專自是也侈奢泰專則速及侈將以其力敝專

五行志二

則人實敝之將及矣九月高子出奔燕襄

公三十一年正月魯穆叔會晉歸告孟孝

伯曰趙孟將死矣師古曰穆叔即叔孫穆子也孟孝伯魯大夫仲孫羯也趙孟晉

卿趙文子也名武前年十月穆叔與武同會澶泉至此年正月乃歸 其語偷不似民

主師古曰且且年未盈五十而諄諄焉如八九

十者弗能久矣師古曰諄諄重頓之貌也音之閏反若趙孟死為

政者其韓子虐師古曰韓子韓宣子也名起吾子盍與季

孫言之可以樹善君子也師古曰季孫謂季武子也名宿言韓起有

大民十七

卷之三

七

君子之德方執晉政可素厚之以立善也

孝伯曰民生幾何誰能母

偷師古曰幾何言無多時也幾音居豈反朝不及夕將焉用樹

穆叔告人曰孟孫將死矣吾語諸趙孟之

偷也而又甚焉九月孟孝伯卒昭公元年

周使劉定公勞晉趙孟師古曰周景王也劉定公周卿也食邑於劉名

因曰子弁冕以臨諸侯盍亦

遠績禹功而大庇民乎師古曰時館於洛汭因見河洛而美禹功故言

對曰老夫罪戾

是懼焉能恤遠吾儕偷食朝不謀夕何其

長也師古曰儕等也言且得食而已苟免目前不能念其長久也儕音仕皆反劉子歸

以語王曰諺所謂老將知而耄及之者其

趙孟之謂虐師古曰諺俗所傳言也八十曰耄亂也言人年老閱歷既多謂將益智而又耄

也為晉止卿以主諸侯而儕於隸人朝不

謀夕棄神人矣神怒民畔何以能久師古曰言其自

比賤隸而無恤下之心人為神主故神人皆去也

趙孟不復年矣師古曰謂其即

死不復見明年是歲秦景公弟后子奔晉師古曰后子即公子

大凡十

五行志

趙孟問秦君何如對曰無道趙孟曰云

虐對曰何為一也無道國未艾也師古曰艾讀曰刈刈

絕國於天地有與立焉師古曰言在天地之間多欲補助相與共成立

之不數世淫弗能敝也趙孟曰天虐對曰

有焉趙孟曰其幾何師古曰言當幾時也音居豈反對曰鍼

聞國無道而年穀和孰天贊之也鮮不五

稔師古曰贊佐助之也鮮少也稔孰也穀孰為一稔言少尚當五年多則或不啻也稔音入其反趙

孟視陰曰朝夕不相及誰能待五師古曰陰謂日之陰

五行志

影也趙孟自以年暮朝不及夕故后子出而告人

曰趙孟將死矣主民玩歲而愒日其與幾

何師古曰玩愛也愒貪也與幾何言不能久也愒音口蓋反冬趙孟卒昭五年

秦景公卒昭公元年楚公子圍會盟師古曰圍楚恭王之

子也時為楚令尹與齊設服離衛張晏曰設服者設人君之服離

衛者二人執戈在前也師魯叔孫穆子曰楚公

子美矣君哉師古曰穆子叔孫豹也伯州犂曰

此行也辭而假之寡君師古曰伯州犂楚太宰也言受楚王之命假以

大曰三 前志五二 卷之二十一 十一

此禮耳蓋為鄭行人子羽曰假不反矣師古曰

其名子羽公孫揮字也假伯州犂曰子姑憂子哲

之欲背誕也應劭曰子哲攻殺伯有今又背盟欲

黑也背誕者背命放誕欲為亂也師古曰子哲鄭大夫公孫

反子其無憂虐師古曰言令尹將圖為君齊國

子曰吾代二子閔矣應劭曰閔憂也二子伯州

子齊大夫國弱也二子謂王子圍及伯州犂也圍以是

非陳公子招曰不憂何成二子樂矣應劭

也師古曰言

國有憂已乃得以成功也師古曰招陳公子哀衛齊

子曰苟或知之雖憂不害師古曰齊子衛大

夫齊惡也言先知

其不免乎國子代人憂子招樂憂齊子雖

憂弗害夫弗及而憂與可憂而樂與憂而

弗害皆取憂之道也師古曰弗及而憂謂太誓

曰民之所欲天必從之師古曰太三大夫兆

憂矣能無至乎師古曰兆憂言以知物其是

謂開憂兆也

五行志

之謂矣

師古曰物類也察其所言以知禍福之類

昭公十五年晉籍

談如周葬穆后

師古曰籍談晉大夫也穆后周景王之后謚穆也

既除

喪而燕

師古曰燕與宴同

王曰諸侯皆有以填撫王

室晉獨無有何也

師古曰填撫王室謂獻器物也填音竹刃反

籍談

對曰諸侯之封也皆受明器於王室故能

薦彝器

師古曰明器明德之器彝器常可寶用之器也

晉居深山戎翟

之與鄰拜戎不暇其何以獻器王曰叔氏

其忘諸乎

師古曰叔籍談字也一曰叔父之使故謂之叔氏也

叔父唐叔成

五行志

王之母弟其反亡分乎

師古曰分音扶問反

昔而高祖

司晉之典籍

師古曰而亦仗

以為大正故曰籍氏

女司典之後也何故忘之籍談不能對賓

出王曰籍父其無後乎數典而忘其祖

師古

曰志

籍談歸以語叔嚮叔嚮曰王其不終

乎吾聞所樂必卒焉

師古曰言志之所樂終於此事

今土樂

憂若卒以憂不可謂終王一歲而有三年

之喪二焉

師古曰為太子三年妻死二年乃娶達於子之志言三年之喪二后及太子也

於

是乎以喪賓燕又求彝器樂憂其矣矣二年

之喪雖貴遂服禮也師古曰王雖弗遂燕

樂已早師古曰天子除喪當在卒禮王之禮大經

也一動而失二禮無大經矣師古曰經謂常法也既不遂服

又即宴樂言以考典典以志經師古曰考成也志記也忘

經而多言舉典將安用之哀公十六年孔

丘卒公誅之曰旻天不弔不憇遺一老俾

屏予一人應劭曰憇且辭也言旻天不善於魯不且遺一老使屏蔽我一人也師古曰憇音

反觀子贛曰君其不歿於魯乎夫子之言曰

禮矣則昏名失則愆師古曰夫子謂孔子也昏謂惑也愆過也失志

為昏失所為愆生弗能用死而誅之非禮

也稱予一人非名也師古曰天子自稱曰予一人非諸侯之號故云非名君

兩失之二十七年公孫于邾師古曰孫人讀曰遜遂

死於越師古曰已解於上庶徵之恒陽劉向以為春

秋大旱也其夏旱雩祀謂之大雩不傷二

穀謂之不兩京房易傳曰欲得不用茲謂

張孟康曰欲得賢者而不用人君徒張此意厥灾荒荒旱也其旱

陰雲不雨變而赤因而除師出過時茲謂

廣李奇曰廣音曠音平昭曰謂怨曠也其旱不生上下皆蔽茲

謂隔其旱天赤二月時有雹殺飛禽上緣

求妃茲謂僭師古曰緣歷也言歷眾處而求妃妾也其旱三月大

温云雲居高臺府茲謂犯陰侵陽其旱萬

物根死數有火灾庶位踰節茲謂僭其旱

澤物枯為火所傷釐公二十一年夏大旱

五行志一

董仲舒劉向以為齊桓既死諸侯從楚釐

尤得楚心楚來獻捷釋宋之執師古曰謂此年楚執宋公

以伐宋冬使宜申來獻捷十二月盟于薄釋宋公也外倚疆楚炕陽失衆

又作南門勞民興役師古曰南門本名樓門更改高大而作之亭在二十

年諸雩旱不雨略皆同說宣公七年秋大

旱是夏宣與齊侯伐萊師古曰萊國即東萊黃縣也襄公

五年秋大雩先是宋魚石犇楚師古曰犇古奔字也事在

成十五年魚石宋左師也公子目夷之曾孫也楚伐宋取彭城以封魚

石師古曰事在成十八年鄭畔于中國而附楚師古曰自駟陵戰後鄭遂

不服故諸侯襄與諸侯共圍彭城師古曰謂襄元

晉欒黶宋華元衛甯殖曹人城鄭虎牢以禦楚師古曰謂襄元

晉人邾人滕人薛人圍彭城是歲鄭伯使公子發來

聘師古曰公子發鄭穆公之使大夫會吳于善道

師古曰使仲孫蔑外結二國內得鄭聘有炕陽

動眾之應八年九月大雩時作三軍季氏盛

師古曰萬二千五百人為軍魯本立上下二軍皆屬於公

五行志一

軍二卿各主其一也事在十一年二十八年八月大雩先是比年晉

使荀息齊使慶封來聘師古曰比年顯年也荀息晉

年晉侯使來聘慶封齊大是夏邾子來朝襄有

炕陽自大之應昭公三年八月大雩劉歆以為

昭公即位年十九矣猶有童心居喪不哀炕陽

失眾六年九月大雩先是莒牟夷以二邑來

犇師古曰事在五年牟夷莒大莒怒伐魯叔弓帥

師距而敗之昭得入晉師古曰叔弓魯大夫時昭

討將不果行叔弓既敗莒師公乃得去故傳云成禮大國以為援好也外和大國內

獲二邑取勝鄰國有炕陽動眾之應十六

年九月大雩先是昭公母夫人歸氏薨昭

不感又大蒐于比蒲師古曰事在昭十一年歸氏胡國之女歸姓即齊歸

也齊諡也蒐謂聚眾而田田晉叔嚮曰魯有大喪

而不廢蒐國不恤喪不忌君也君云感容

不顧親也殆其失國與三年同占二十四

年八月大雩劉歆以為左氏傳二十三年

五行志

邾師城翼還經魯地師古曰翼邾邑也經者道出其中也魯地謂武城也

魯襲取邾師獲其三大夫師古曰謂徐鉏丘弱茅地也邾

人愬于晉晉人執我行人叔孫婁師古曰叔孫昭子也

婁音丑是春廼歸之二十五年七月上幸大

雩季辛又雩旱甚也劉歆以為時后氏與

季氏有隙師古曰后氏邾昭伯也季氏季平子也季師古曰后氏邾昭伯也季氏季平子也季

又季氏之族有淫妻為子怒蓋宮於邾氏且責讓之故邾昭伯怨之

讒使季平子與族人相惡皆共譖平子師古

曰謂平子庶叔父公鳥之妻季妣與雍人檀通而譖季氏之族人季公亥公思展故平子殺思展以故族人皆

怨子家駒諫曰讒人以君徼幸不可師古曰子家駒

即子家懿伯莊公之玄孫也一名羈昭公遂伐季氏為所敗出奔

齊定公十年九月大雩先是定公自將侵

鄭歸而城中城二大夫帥師圍鄆師古曰事並在六年

中城魯之邑也二大夫謂季孫斯仲孫何忌嚴公三十一年冬不雨

是歲一年而三築臺師古曰是年春築臺于郎夏築臺于薛秋築臺于秦

秦郎薛皆魯地奢侈不恤民饗公二年冬十月不雨

五行志

三年春正月不雨夏四月不雨六月雨先

是者嚴公夫人與公子慶父淫而殺二君

師古曰慶父桓公之子莊公弟也二君謂子般及閔公

○宋祁曰朱子文云考上下文編先是例甚多獨此一者字者字宜去不然國人攻之夫人遜于邾

慶父蒞莒魯公即位南敗邾師古曰謂元年公敗邾師于偃

東敗莒獲其大夫師古曰謂元年公子友帥師敗莒師于鄆獲莒擊也有

炕陽之應文公二年自十有一月不雨至

于秋七月文公即位天子使叔服會葬師古

曰叔服周之內史也叔氏服字

毛伯賜命

師古曰亦天子使之也毛伯周

之卿士毛伯爵也賜命者賜以命圭為瑞信也

又會晉夏于戚

師古曰戚謂大夫

公孫叔會之也戚衛邑在頓丘衛縣西

公子遂如齊納幣

師古曰納玄纁之幣

謂公為

又與諸侯盟

師古曰謂公孫叔會宋公陳侯鄭伯晉士穀盟于垂隴也垂隴

地**上得天子外得諸侯沛然自大**

師古曰沛音普大反

躋蹇公主大夫始顓事

師古曰謂季孫行父也顓讀與專同

十年

自正月不雨至于秋七月先是公子遂會

四國而救鄭

師古曰謂九年楚人伐鄭公子遂會晉人宋人衛人許人以救之

楚

使越椒來聘

師古曰越椒楚大夫名也事亦在九年

秦人歸榘

師古

曰謂九年秦人來歸榘公及成風之榘也凡問喪者衣服曰榘成風偕公之母也成謚也風姓也榘音遂

有炕陽之應十二年自正月不雨至于秋七

月先是曹伯杞伯滕子來朝

師古曰十一年曹伯來朝十二

年杞伯滕子來朝

邠伯來犇

師古曰事在十二年邠國伯爵也

秦伯使遂

來聘

師古曰事在十一年遂秦大夫名即左氏所謂西乞術

季孫行父城

諸及鄆

師古曰事在十一年諸鄆邑名也諸即琅邪諸縣也

二年之間五

國趨之內城一邑炕陽失衆一曰不雨而

五穀皆孰異也文公時大夫始顓盟會公
孫敖會晉侯又會諸侯盟于垂隴故不雨
而生者陰不出氣而私自自行以象施不由
上出臣下作福而私自成一曰不雨近常
陰之罰君弱也惠帝五年夏大旱江河水
少谿谷絕先是發民男女十四萬六千人
城長安是歲城廼成文帝三年秋天下旱
是歲夏匈奴右賢王寇侵上郡詔丞相灌

五行志

嬰發車騎士八萬五千人詣高奴師古曰即上郡之縣

擊右賢王走出塞其秋濟北王興居反使
大將軍討之皆伏誅後六年春天下大旱

先是發車騎材官屯廣昌師古曰武都之縣是歲二

月復發材官屯隴西後匈奴大入上郡雲

中烽火通長安三將軍屯邊師古曰謂以中大夫令免為車

又三將軍屯京師師古曰謂河內太守周亞夫為將軍次細柳宗正

景劉禮為將軍次霸上視茲侯徐厲為將軍次棘門

師古曰謂河內太守周亞夫為將軍次細柳宗正

帝中三年秋大旱武帝元光六年夏大旱

是歲四將軍征匈奴師古曰謂車騎將軍衛青出上谷騎將軍公孫敖出代輕

車將軍公孫賀出雲中元朔五年春大旱是歲

六將軍衆十餘萬征匈奴師古曰謂衛青將六將軍兵也六將軍者

衛尉蘇建為游擊將軍左內史李沮為彊弩將軍太僕公孫賀為騎將軍代相李蔡為輕車將軍俱出朔方大

行李息岸頭侯張次元狩三年夏大旱是歲發

天下故吏伐棘上林穿昆明池天漢元年

夏大旱其三年夏大旱先是貳師將軍征

五行志

大宛還天漢元年發適民師古曰適讀曰適二年夏

三將軍征匈奴師古曰謂貳師將軍三萬騎出酒泉因折將軍出西河騎都尉李陵

將步兵五千八百李陵沒不還征和元年夏大旱

是歲發三輔騎士閉長安城門大搜始治

巫蠱明年衛皇后太子敗昭帝始元六年

大旱先是大鴻臚田廣明征益州暴師連

年宣帝本始三年夏大旱東西數千里先

是五將軍衆二十萬征匈奴師古曰本始三年御史大夫田廣明

卷之二十一 四十一

為祁連將軍後將軍趙充國為蒲類將軍雲中太守田
順為武牙將軍及渡遼將軍范明友前將軍韓增凡五
將軍兵十五萬騎校尉常惠持節護
烏孫兵咸擊匈奴是為二十萬眾也
神爵元年秋

大旱是歲後將軍趙充國征西羌成帝永
始三年四年夏大旱左氏傳晉獻公時童

謠曰丙之晨龍尾伏辰初服振振取虢之

旂師古曰徒歌曰謠初服黑衣服振振初服之鶉之賁

賁天策焯焯火中成軍虢公其犇師古曰賁音奔焯音

是時虢為小國介夏陽之院怙

五行志一

虞國之助師古曰介隔也亢衡於晉有炕陽之節失

臣下之心晉獻伐之問於卜偃曰吾其濟

乎師古曰卜偃晉大夫主卜者偃以童謠對曰克之十月

朔丙子曰日在尾月在策鶉火中必此時

也冬十二月丙子朔晉師滅虢虢公醜犇

周周十二月夏十月也言天者以夏正史

記晉惠公時童謠曰恭太子更葬兮後十

四年晉亦不昌昌廼在其兄是時惠公賴

秦力得立立而背秦內殺二大夫

師古曰謂里克丕鄭

國人不說

師古曰說讀曰悅

及更葬其兄恭太子申

生而不敬故詩妖作也後與秦戰為秦所

獲立十四年而死晉人絕之更立其兄重

耳是為文公遂伯諸侯

師古曰伯讀曰霸

左氏傳文

成之世童謠曰鸚之鵠之公出辱之

師古曰鸚音劬鵠音

欲鸚鵠之羽公在外野往饋之馬

師古曰饋亦餽字

鸚鵠踈踈公在乾侯

臣瓚曰乾侯在魏郡斥丘縣師古曰踈踈行貌也踈音

五行志

音干

徵褰與襦

師古曰徵求也褰袴也言公出外求袴襦之服

鸚鵠之

巢遠哉搖搖

師古曰搖搖不安之貌

稠父喪勞宋父以

驕

師古曰父讀曰甫甫者男子之通號故云稠甫宋甫也言昭公欲去季氏不遂而出故曰喪勞定公

無德於下坐致君位故曰以驕

鸚鵠鸚鵠往歌來哭

師古曰謂昭公生時

出奔死乃以喪歸之

至昭公時有鸚鵠來巢公攻季氏

敗出奔齊居外野次乾侯八年死于外歸

葬魯昭公名稠公子宋立是為定公元帝

時童謠曰井水溢滅竈煙灌玉堂流金門

大子十

卷之五

四

五

六

至成帝建始二年三月戊子北宮中井泉
稍上溢出南流象春秋時先有鸚鵡之謠
而後有來巢之驗井水陰也竈煙陽也玉
堂金門至尊之居象陰盛而滅陽竊有宮
室之應也王莽生於元帝初元四年至成
帝封侯為三公輔政因以篡位成帝時童
謠曰燕燕尾涎涎師古曰涎涎光澤貌也音徒見反張公子時
相見木門倉琅根燕飛來啄皇孫皇孫死

五行志

燕啄矢其後帝為微行出遊常與富平侯
張放俱稱富平侯家人過河陽主作樂見
舞者趙飛燕而幸之故曰燕燕尾涎涎美
好貌也張公子謂富平侯也木門倉琅根
謂宮門銅鏐師古曰門之鋪首及銅鏐也銅色青故曰倉琅鋪首銜環故謂之根鏐讀與環同言將尊貴也後遂立為皇后弟昭儀
賊害後宮皇子卒皆伏辜所謂燕飛來啄
皇孫皇孫死燕啄矢者成帝時謠

五行志

五行志

五行志

五行志

元

又曰邪徑敗良田讒口亂善人桂樹華不實黃爵巢其顛故為人所羨今為人所憐桂赤色漢家象華不實無繼嗣也王莽自謂黃象黃爵巢其顛也嚴公十七年冬多麋劉歆以為毛蟲之孽為災劉向以為麋色青近青祥也麋之為言迷也蓋牝獸之淫者也是時嚴公將取齊之淫女其象先見天戒若曰勿取齊女淫而迷國嚴不寤

五帝志

遂取之夫人既入淫於二叔終皆誅死師古

曰謂慶父殺死叔牙幾亡社稷師古曰謂子般閔公

取魯國也幾音並依反董仲舒指略同京房易傳曰廢

正作淫大不明國多麋又曰震遂泥李奇曰從

三至五有坎象坎為水四為泥在水中故曰震遂泥泥者泥溺於水不能自拔道未光也或以為溺於淫女故

其妖多麋麋迷也師古曰此易震卦九四爻辭也泥音乃許反劉氏校本云注文監本越本作從二至五厥

各國多麋昭帝時昌邑王賀聞人聲曰熊

視而見大熊左右莫見以問郎中令龔遂

大子九年

五帝志

四六

遂曰熊山野之獸而來入宮室王獨見之
此天戒大王恐宮室將空危亡象也賀正
改寤後卒失國左氏傳襄公十七年十一
月甲午宋國人逐猘狗師古曰猘狂也音征例反猘狗入
於華臣氏師古曰華臣華元之子也國人從之臣懼遂奔
陳先是臣兄閱為宋卿師古曰閱為右師閱卒臣使
賊殺閱家宰遂就其妻宋平人簡之曰臣
不唯其宗室是暴大亂宋國之政欲逐之

五行志

左師向戌曰大臣不順國之耻也不如蓋

之師古曰向戌宋相公曾孫也蓋謂覆掩其事也公廼止華臣炘暴失

義內不自安故大禍至以牛牲云也高后八

年三月被霸朝上師古曰被者除惡之祭也音廢還過柶道見

物如倉狗櫜高后掖師古曰櫜謂拘持之地忽

而不見卜之趙王如意為崇遂病掖傷而

崩先是高后鳩殺如意支斷其母戚夫人

手足摧其眼以為人彘師古曰摧謂敲擊去其精也摧音口角反凡言

本志

前志

卷之

元

之別名
文帝後五年六月齊雍城門外有

狗生角師古曰雍城門者齊門名也春秋左氏傳平陽之役趙武及秦周伐雍門之款是也劉

敬曰平陽當作平陰先是帝兄齊悼惠王立後帝分齊

地立其庶子七人皆為王師古曰謂齊孝王將閭濟北王志留川王

賢膠東王雄渠膠西王卬濟南王辟光并城陽恭王喜是為七王兄弟並疆有炘陽

心故大禍見也犬守御角兵象在前而上

鄉者也師古曰鄉讀曰嚮此下亦同犬不當生角猶諸侯

不當舉兵鄉京師也天之戒人蚤矣師古曰蚤古早

五行志

字諸侯不寤後六年吳楚畔濟南膠西膠

東三國應之舉兵至齊齊王猶與城守師古

曰與讀曰豫三國圍之會漢破吳楚因誅四王故

天狗下梁而吳楚攻梁狗生角於齊而三

國圍齊漢卒破吳楚於梁誅四王於齊京

房易傳曰執政失下將害之厥妖狗生角

君子苟免小人陷之厥妖狗生角景帝三

年二月邯鄲狗與彘交悖亂之氣近犬豕

之禍也師古曰悖惑也音布內反此下亦同是時趙王遂悖亂與

吳楚謀為逆遣使匈奴求助兵卒伏其辜

犬兵革失眾之占如淳曰犬吠守似兵革外附類失眾也豕北方

匈奴之象逆言失聽交於異類以生害也

京房易傳曰夫婦不嚴厥妖狗與豕交茲

謂反德國有兵革成帝河平元年長安男

子石良劉音相與同居師古曰二人共止一室有如人

狀在其室中擊之為狗走出去後有數人

五行志

被甲持兵擊至良家良等格擊或死或傷皆

狗也自二月至六月乃止鴻嘉中狗與彘交

左氏昭公三十四年十月癸酉王子鼫以

成周之寶圭湛于河師古曰以祭河也爾雅曰祭川曰浮沈湛讀曰沈後皆類

此幾以獲神助師古曰幾讀曰冀甲戌津人得之河

上陰不佞取將賣之則為石師古曰陰不佞周大夫也是

時王子鼫篡天子位萬民不鄉號令不從

師古曰鄉讀曰嚮故有玉變近白祥也癸酉入而甲

大九

代出神不享之驗云玉化為石貴將為賤也後二年子鼂犇楚而死史記秦始皇帝三十六年鄭客從關東來至華陰望見素車白馬從華山上下知其非人道住止而待之遂至師古曰於道上住而待此車馬持璧與客曰為我遺張晏曰武王居鎬鎬池君則武王也武王伐商故神云始皇荒淫若紂矣今亦可伐也孟鎬池君康曰長安西南有鎬池師古曰鎬池在昆明池北此直江神告鎬池之神云始皇將死耳無豫於武王也張說失蘇林曰祖始也龍人君象謂始皇也因言今年祖龍死忽不

五行志

見鄭客奉璧即始皇二十八年過江所湛璧也與周子鼂回應是歲石墮于東郡民或刻其石曰始皇死而地分此皆白祥炕陽暴虐號令不從孤陽獨治羣陰不附之所致也一曰石陰類也陰持高節臣將危君趙高李斯之象也始皇不畏戒自省反夷滅其旁民而燔燒其石是歲始皇死後三年而秦滅孝昭元鳳二年正月泰山萊

石碑

蕪山南匈匈有數千人聲民視之有大石自立高丈五尺大四十八圍入地深八尺三石為足石立處有白鳥數千集其旁賈孟以為石陰類下民象泰山岱宗之嶽王者易姓告代之處當有庶人為天子者孟坐伏誅京房易傳曰復崩來無咎師古曰復卦之巽也自上下者為崩厥應泰山之石顛今易崩字作明也而下師古曰顛墜也聖人受命人君虜又曰石立如

五行志一

人庶士為天下雄立於山同姓平地異姓立於水聖人於澤小人天漢元年三月天雨白毛三年八月天雨白毳師古曰凡言毳者毛之彊曲者京房易傳曰前樂後憂厥妖天雨羽又曰邪人進賢人逃天雨毛史記周威烈王二十三年九鼎震孟康曰威烈一王之謚也六國時也師古曰即赧王之高祖也金震木動之也是時周室衰微刑重而虐號令不從以亂金氣鼎者宗廟之寶

季發

器也宗廟將廢寶鼎將遷故震動也是歲
晉三卿韓魏趙篡晉君而分其地威烈王
命以為諸侯天子不恤同姓而爵其賊臣
天下不附矣後三世周致德祚於秦晉灼曰秦
王奔秦獻其邑此為致德祚也其後秦遂滅周而取九鼎九
鼎之震木沴金失眾甚成帝元延元年正
月長安章城門門牡自云晉灼曰西出南頭第一門也牡是出筭者
師古曰牡所以閉者也亦以鐵為之非出筭也函谷關次門牡亦自

五打志

云韋昭曰函谷關邊小門也師古曰非行人出入所由蓋關司曹府所在之門也京房易傳
曰飢而不損茲謂秦厥災水厥咎牡亡妖
辭曰關動牡飛辟為工道臣為非厥咎亂
臣謀篡李奇曰易妖變傳辭故谷永對曰章城門通路
寢之路函谷關距山東之險城門關守國
之固固將去焉故牡飛也

右將監本杭本越本及三劉宋祁諸

本參校其有同異並附於古註之下

五行志第七中之上

正文

註文

